

RESOLUCIÓN DA SECRETARÍA XERAL TÉCNICA E DO PATRIMONIO, POLA QUE SE DECLARA Á COMUNIDADE AUTÓNOMA DE GALICIA HERDEIRA *AB INTESTATO* DE DON JUAN JOSÉ MENAYA CANCELA.

Antecedentes.

Por Resolución do 5 de novembro de 2020 acordouse a incoación de novo procedemento administrativo para a declaración da Comunidade Autónoma de Galicia como herdeira *ab intestato* de don Juan José Menaya Cancela (ABI/2003/0017-R), incorporando a este procedemento os actos e trámites que se puidesen conservar do expediente anterior (ABI/2003/0017), caducado por Resolución do 21 de xullo de 2020 da Secretaría Xeral Técnica e do Patrimonio por terse excedido o prazo para a súa resolución.

A resolución do 5 de novembro de 2020 publicouse no Boletín Oficial do Estado (Supl. N. nº 325 do 14.12.2020), no Diario Oficial de Galicia (DOG nº 234 do 19.11.2020), na páxina web da Consellería de Facenda e Administración Pública, e foi exposta no taboleiro de anuncios dos concellos de Fene (A Coruña) e de Pontevedra, por prazo non inferior a un mes.

Constan no expediente os correspondentes certificados de defunción e derradeiras vontades relativos á persoa causante, nos que se acredita o seu falecemento o 4 de febreiro de 2003 na cidade de Pontevedra e que non tiña outorgado testamento rexistrado. Así mesmo, figura igualmente incorporado certificado do seu empadramento no Concello de Pontevedra, quedando xustificada a súa veciñanza civil galega.

Non se teñen recibido alegacións, documentos ou outros elementos de xuízo que cuestionen a sucesión a favor da Administración autonómica, o que corrobora as actuacións realizadas polos xulgados de 1ª Instancia nº 3 e 6 de Pontevedra.

Das consultas efectuadas perante o Catastro Inmobiliario, no Índice Xeral Informatizado de Predios e Dereitos do Rexistro da Propiedade e no Rexistro Xeral de Contratos de Seguros de Cobertura de Falecemento, así como da información acadada de entidades bancarias e por outras fontes, determinouse, en principio, que ó menos forman parte do caudal hereditario da persoa finada os bens e dereitos que se adxudican no punto segundo desta resolución, sen prexuízo da inclusión na herdanza daqueles outros que se identifiquen con posterioridade a esta declaración como de titularidade da persoa causante.

A Asesoría Xurídica emitiu informe sobre a adecuación e suficiencia das actuacións practicadas para a declaración da Comunidade Autónoma como herdeira *ab intestato* da persoa causante.

Fundamentos xurídicos.

Lei 2/2006, do 14 de xuño, de dereito civil de Galicia, artigos 267 e seguintes.

Código civil, artigos 657 e seguintes.

Lei 33/2003, do 3 de novembro, do patrimonio das Administracións públicas, artigos 20 .6,



20 bis e 20 ter .1.

Lei 5/2011, do 30 de setembro, do patrimonio da Comunidade Autónoma de Galicia, artigos 4 e 56.

Decreto 94/1999, do 25 de marzo, sobre réxime administrativo da sucesión intestada a favor da Comunidade Autónoma de Galicia.

Lei 39/2015, do 1 de outubro, do procedemento administrativo común das Administracións públicas.

Decreto 11/2021, do 21 de xaneiro, polo que se establece a estrutura orgánica da Consellería de Facenda e Administración Pública, artigos 4 e 7.

Segundo o anterior,

RESOLVO:

Primeiro.- Declarar á Comunidade Autónoma de Galicia única e universal herdeira *ab intestato* de don Juan José Menaya Cancela, con DNI: 32.689.304-W, entendéndose legalmente aceptada a herdanza a beneficio de inventario.

Segundo.- Adxudicar á Administración autonómica os seguintes bens e dereitos da herdanza identificados:

Contratos e outros efectos bancarios:

- Banco Santander, conta de aforro: 0049 5270 80 2393256924

Terceiro.- Publicar a presente resolución no Boletín Oficial do Estado, no Diario Oficial de Galicia e na páxina web da Consellería de Facenda e Administración Pública, área temática de Patrimonio, Anuncios, que se pode consultar no seguinte enlace: <http://www.conselleriadefacenda.es/areas-tematicas/patrimonio/anuncios>
Unha copia desta resolución será remitida para a súa exposición pública, por prazo non inferior a un mes, no taboleiro de anuncios dos concellos de Fene e de Pontevedra.

Esta resolución poderá ser recorrida por infracción das normas sobre competencia e procedemento mediante recurso de alzada, no prazo dun mes, perante o conselleiro de Facenda e Administración Pública, de conformidade cos artigos 112.1, 114 e 121 e seguintes da Lei 39/2015, do 1 de outubro, do procedemento administrativo común das Administracións públicas.

Os que se consideren prexudicados en canto ao seu mellor dereito á herdanza ou noutros dereitos de carácter civil por esta declaración ou pola adxudicación de bens a favor da Comunidade Autónoma de Galicia que se contén nesta resolución, poderán exercitar as accións pertinentes perante o órgano da xurisdición civil correspondente.

Santiago de Compostela, á data da *sinatura electrónica*.

O secretario xeral técnico e do Patrimonio
Jorge Atán Castro

